

13.09.2017 4

|     |                    |             |   |
|-----|--------------------|-------------|---|
| 159 | OPĆINSKI SUD JAJCE | 70101 JAJCE | 1 |
|-----|--------------------|-------------|---|



# SLUŽBENE NOVINE SREDNJOBOSANSKOG KANTONA

|        |                            |             |
|--------|----------------------------|-------------|
| Broj 4 | 5. aprila 2017.<br>TRAVNIK | Godina XXI. |
|--------|----------------------------|-------------|

## PREDSJEDAVALJUĆI SKUPŠTINE SREDNJOBOSANSKOG KANTONA

137

Na osnovu tačke j) stava 1. člana 32a. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), donosim


### UKAZ O PROGLAŠENJU ZAKONA O SUDSKIM TAKSAMA

I.

Proglašavam Zakon o sudskim taksama, koji je donijela Skupština Srednjobosanskog kantona na XX. sjednici održanoj 31. januara 2017. godine.


Broj: 01-02-45/17      PREDSJEDAVALJUĆI SKUPŠTINE  
1. februara 2017.

Travnik      Josip Kvasina, s. r.



## SKUPŠTINA SREDNJOBOSANSKOG KANTONA

138



### ZAKON O SUDSKIM TAKSAMA

#### DIO PRVI – OPĆE ODREDBE

Član 1.

#### (Plaćanje sudske takse)

(1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom i općinskim sudovima u Srednjobosanskom kantonu (u daljnjem tekstu: Kanton).

(2) Postupci u kojima se plaća taksa i visina takse za pojedine radnje utvrđeni su u Tarifi sudskih taksa, koja je sastavni dio ovoga zakona.

Član 2.

#### (Obveznik plaćanja takse)

(1) Takse propisane ovim zakonom plaća lice na čiji zahtjev ili u čijem interesu se poduzima radnja u postupku za koju je ovim zakonom utvrđeno plaćanje takse (u daljnjem tekstu: takseni obveznik).

(2) Za podneske i zapisnike koji zamjenjuju podneske, taksu je dužno platiti lice koje podnosi podneske i lice na čiji zahtjev se sastavlja zapisnik, odnosno lice u čijem interesu se poduzima radnja.

(3) Za odluku prvostepenog suda taksu je dužan platiti tužilac, odnosno predlagač, a za sudsku nagodbu taksu su dužne platiti obje strane, ako u nagodbi nije drugačije

(4) Za odluku drugostepenog suda i za odluku prema vanrednom pravnom sredstvu, taksu je dužan platiti podnositelj žalbe, odnosno lice u čijem interesu je pokrenut postupak prema vanrednom pravnom sredstvu.

(5) Ako su, u skladu s odredbama ovoga zakona, taksu dužna platiti dva ili više lica zajedno, njihova obaveza je solidarna.

### Član 3.

#### (Obavezno dostavljanje dokaza o plaćenju taksa)

(1) Uz podnesak za koji se prema odredbama ovoga zakona plaća taksa, obavezno se dostavlja dokaz o plaćenju taksi.

(2) Ako stranka smatra da ispunjava zakonom propisane uvjete za oslobađanje plaćanja takse, uz podnesak mora podnijeti i zahtjev za oslobađanje plaćanja takse, kao i dokaz o postojanju uvjeta za oslobađanje plaćanja takse iz članova 11. i 12. ovoga zakona.

### Član 4.

#### (Plaćenje takse

#### i poduzimanje radnje u postupku)

(1) Ako stranka sudu dostavi podnesak bez dokaza o plaćenju taksa, sud donosi rješenje iz člana 19. ovoga zakona.

(2) Sud će postupiti na način utvrđen u stavu (1) ovoga člana i ako odbije zahtjev za oslobađanje plaćanja takse.

(3) Neplaćena sudska taksa ne zadržava tok sudskog postupka.

### Član 5.

#### (Vrijeme nastanka obaveze plaćanja takse)

Ako ovim zakonom nije drugačije propisano, taksena obaveza nastaje:

- a) za podnesak – danom podnošenja;
- b) za sudsku odluku – danom donošenja sudske odluke, a ako jedna od stranki nije prisustvovala glavnoj raspravi, od dana dostavljanja pisane obavijesti o datumu donošenja odluke, odnosno danom dostavljanja odluke ako se dostava obavlja u skladu sa zakonskim odredbama o dostavi;
- c) za sudsku nagodbu – kada se sklopi;
- d) za paušalnu taksu u postupku raspravljanja o zaostavštini – danom donošenja rješenja o nasljeđivanju;
- e) u postupku stečaja – danom donošenja rješenja o glavnoj diobi u postupku stečaja;
- f) u postupku likvidacije – danom donošenja rješenja o zaključenju likvidacijskoga postupka;
- g) za sudski prijepis – kada se zatraži od suda;
- h) za ostale radnje – kada se zatraži njihovo poduzimanje.

### Član 6.

#### (Izuzeci od obaveze plaćanja takse)

(1) Izuzetno od obaveze iz člana 3. ovoga zakona, za podnesak i odluku u upravnom sporu u stvarima penzijskog, invalidskog i zdravstvenog osiguranja, dječijega dodatka, starateljstva i socijalne pomoć, taksa se plaća samo ako tužba bude odbijena ili odbačena.

(2) Taksena obaveza iz stava (1) ovoga člana nastaje danom donošenja odluke.

### Član 7.

#### (Način plaćanja takse)

Takse predviđene Tarifom sudskih taksa prihod su Budžeta Srednjobosanskog kantona i plaćaju se u gotovom novcu uplatom na propisani račun javnih prihoda.

### Član 8.

#### (Rok zastare naplate takse)

Pravo na naplatu takse zastarijeva u roku od pet godina od dana nastanka taksene obaveze.

## DIO DRUGI – OSLOBAĐANJE PLAĆANJA TAKSE

### Član 9.

#### (Oslobađanje od obaveze plaćanja takse)

(1) Od plaćanja takse oslobođeni su:

- a) država Bosna i Hercegovina i njeni organi;
- b) entiteti i njihovi organi;
- c) Brčko Distrikt Bosne i Hercegovine;
- d) kantoni i njihovi organi;
- e) jedinice lokalne samouprave;
- f) ustanove za socijalnu zaštitu;
- g) izdržavano lice u postupku utvrđivanja i ostvarivanja prava na osnovu zakonskog izdržavanja;
- h) učenik i student za vrijeme redovnog školovanja;
- i) zaposlenik u postupku ostvarivanja prava iz radnog odnosa;
- j) vojni invalid i civilna žrtva rata, lice kojem je rješenjem nadležnog organa priznato svojstvo člana porodice poginulog, umrlog, nestalog ili zarobljenog borca te pripadnika teritorijalne odbrane i civilne zaštite;

k) žrtva nasilja u porodici i nasilja na osnovu spola, u postupku zaštite od nasilja;

l) logoraš i žrtva teških kršenja međunarodnoga prava i ljudskih prava te ozbiljnih povreda međunarodnog humanitarnog prava u postupku ostvarivanja prava na reparaciju;

m) privredno društvo koje zapošljava lica s invaliditetom i zaštitna radionica prilikom registracije preduzeća i samostalne djelatnosti;

n) stranke koje spor riješe medijacijom;

o) notar ako u ostavinskom postupku postupa kao sudski povjerenik.

(2) Taksu za podnesak i radnju ne plaća lice koje poklanja svoju imovinu kantonanim organima, ustanovama ili fondacijama te socijalno-humanitarnim, naučnim ili kulturnim organizacijama.

(3) Strano fizičko i pravno lice oslobođeno je plaćanja takse ako je to predviđeno međunarodnim ugovorom ili pod uvjetom reciprociteta. U slučaju sumnje u postojanju reciprociteta, prethodno se pribavlja mišljenje nadležnog ministarstva Bosne i Hercegovine.

### Član 10.

#### (Kada se sudska taksa ne plaća prema zakonu)

(1) U zemljišno-knjižnim postupcima ne plaća se taksa u sljedećim slučajevima:

- a) za potpuno ili djelomično brisanje nekog upisanog prava;
- b) za službene radnje u postupku uređenja, zasnivanja i

krivicom titulara prava, u postupku usklađivanja zemljišnih knjiga s faktičkim stanjem, kao i u postupku za obnavljanje umištenih zemljišnih knjiga, ako se vjerodostojnom ispravom utvrdi da je upis bio prije proveden;

c) za upis provođenja odluke ili ugovora o diobi prava vlasništva ili prava služnosti korištenja, ako su učesnici diobe bili upisani kao suvlasnici tih prava;

d) za zabilježbu privremene uprave određene u toku postupka prinudne javne prodaje, kao i za zabilježbu prinudne uprave određene umjesto prinudne javne prodaje;

e) naknadni upis supružnika kao suvlasnika na osnovu sudske odluke ili ugovora ako je jedan od supružnika upisan kao vlasnik u zemljišnim knjigama, kao i za upis kojim se označava idealni dio svakog supružnika na nekretninama koje su u njihovom suvlasništvu;

f) za upis u zemljišne knjige prava konstituisanih zakonom u korist građana, po službenoj dužnosti ili na zahtjev stranke;

g) za sve ostale radnje koje se poduzimaju po službenoj dužnosti.

(2) Taksu za upis u zemljišnoknjižnim postupcima dužno je platiti lice u čiju se korist obavlja upis. Ako upis traži lice čije se pravo ograničava, opterećuje, ukida ili prenosi na drugo lice, to lice je, također, solidarno odgovorno za plaćanje takse s licima u čiju se korist obavlja upis.

(3) Ako se u zemljišnoknjižnim postupcima, na osnovu jednog zahtjeva, upisuje više prava u korist jednog lica, taksa se plaća za svaki upis.

(4) Za davanje usmenih informacija i obavijesti u zemljišnoknjižnim postupcima ne naplaćuje se ni sudska taksa ni dodatni troškovi.

(5) U postupku stečaja i likvidacije taksa se ne plaća u sljedećim slučajevima:

a) za podneske stečajnog ili likvidacijskog upravnika;

b) za podnesak kojima se prijavljuje upis stečajnog ili likvidacijskog postupka, ili upis u sudski registar koji se obavlja po službenoj dužnosti;

c) u postupku koji, u ime stečajnoga dužnika, pokreće i provodi stečajni upravnik radi ostvarenja stečajne mase.

(6) Za upis odluke o otvaranju stečajnoga postupka, odluke o pokretanju postupka likvidacije, kao i odluke o zabrani obavljanja određene djelatnosti, odnosno poslova pravnoga lica, ne plaća se taksa.

#### Član 11.

##### (Ko može biti oslobođen od obaveze plaćanja takse)

(1) Sud može osloboditi obveznika od plaćanja takse ako bi plaćanjem takse, imajući u vidu iznos sredstava iz kojih se obveznik i članovi njegovog domaćinstva izdržavaju, ta sredstva bila u tolikoj mjeri umanjena da bi time bila ugrožena njihova egzistencija.

(2) Odluku iz stava (1) ovoga člana donosi sud na pisani zahtjev taksenog obveznika. Prije donošenja odluke sud će cijiniti sve okolnosti, a naročito će uzeti u obzir vrijednost mjerodavnu za naplatu takse, ukupni prihod i imovinu taksenog obveznika i članova njegovog domaćinstva koje takseni obveznik izdržava.

(3) Pod pojmom domaćinstvo, u smislu odredbi ovoga zakona, podrazumijeva se zajednica življenja, privređivanja i

(4) Izdržavana lica, u smislu ovoga zakona, jesu:

a) maloljetna djeca i usvojenici;

b) djeca i usvojenici na redovnom školovanju ili vanrednim studijama, ako su nezaposleni – do navršene 26. godine života;

c) djeca bez roditelja ako žive u domaćinstvu s taksenim obveznikom;

d) bračni partner;

e) roditelji, odnosno usvojitelji ako žive u zajedničkom domaćinstvu s taksenim obveznikom i nemaju vlastitih prihoda;

f) izdržavana lica na osnovu radne i poslovne nesposobnosti.

#### Član 12.

##### (Dokazi za oslobađanje od obaveze za plaćanje takse)

(1) Iznos prihoda taksenog obveznika i članova njegovog domaćinstva dokazuje se na osnovu uvjerenja nadležnog centra za socijalni rad, odnosno drugih pisanih dokaza o svome imovnom stanju koje je takseni obveznik dužan podnijeti.

(2) Uvjerenje iz stava (1) ovoga člana služi kao dokaz za oslobađanje od plaćanja takse samo ako od njegovog izdavanja do podnošenja zahtjeva za oslobađanje nije proteklo više od šest mjeseci.

(3) Kada je to potrebno, sud može, po službenoj dužnosti, pribaviti potrebne podatke i obavještenja o imovnom stanju taksenog obveznika i članova njegovog domaćinstva, a može o tome saslušati i protivnu stranku.

(4) Protiv odluke suda kojom je usvojen prijedlog za oslobađanje od plaćanja takse nije dopuštena posebna žalba.

#### Član 13.

##### (Rješenje o oslobađanju od obaveze plaćanja takse)

(1) Rješenje o oslobađanju od obaveze plaćanja takse odnosi se na sve takse u vezi s odgovarajućim predmetom, bez obzira kada je nastala takseno obaveza.

(2) Sud može u toku postupka ukinuti rješenje o oslobađanju od plaćanja takse ako utvrdi da je takseni obveznik u stanju platiti taksu.

#### Član 14.

##### (Važenje oslobađanja od obaveze plaćanja takse)

(1) Oslobađanje od obaveze plaćanja takse dato u parničnom i vanparničnom postupku, kao i u postupku u upravnim sporovima važi i u postupku izvršenja odluka donesenih u tim postupcima ako se izvršenje zahtijeva u roku od tri mjeseca od pravosnažnog okončanja postupka.

(2) Oslobađanje od obaveze plaćanja takse u vanparničnom i izvršnom postupku važi i u parničnom postupku koji nastane u toku i povodom vanparničnoga i izvršnoga postupka.

#### Član 15.

##### (Lica koja nisu dužna plaćati taksu za drugog)

(1) Staratelj lica čije je boravište nepoznato, staratelj imovine čiji je vlasnik nepoznat, kao i privremeni zastupnik stranke kojega sud postavi u postupku, nisu dužni plaćati takse za lica koje zastupaju.

(2) U slučajevima iz stava (1) ovoga člana taksa se naplaćuje iz imovine lica koje se zastupa.

(3) Neplaćenu taksu u slučajevima iz stava (1) ovoga člana sud će unositi u popis taksa i, nakon završetka postupka, postupit će u skladu s odredbama člana 31. ovoga zakona.

#### Član 16.

##### (Lica na koja se odnosi oslobađanje od obaveze plaćanja takse)

(1) Oslobađanje od obaveze plaćanja takse odnosi se samo na lice kojem je to oslobađanje priznato.

(2) Kada više lica zajednički predaju podnesak ili zajedno poduzmu radnju u postupku, a jedno ili više njih je oslobođeno od obaveze plaćanja takse, lice koje nije oslobođeno dužno je platiti dio takse koji se odnosi na njega kao da nema oslobođenih od obaveze plaćanja takse.

#### Član 17.

##### (Uspjeh u postupku i obaveza plaćanja takse)

(1) Ako u parničnom i izvršnom postupku lice oslobođeno od obaveze plaćanja takse uspije u postupku, taksu koju bi ono bilo dužno platiti da nije bilo oslobođena, platit će stranka koja ne uživa oslobađanje, i to u razmjeri u kojoj je oslobođena stranka uspjela u postupku.

(2) Ako se između stranke oslobođene od obaveze plaćanja takse i stranke koja nije oslobođena sklopi sudska nagodba, taksu koju bi trebala platiti oslobođena stranka platit će stranka koja nije oslobođena, osim ako se stranke drugačije ne dogovore.

#### Član 18.

##### (Popis takse za plaćanje)

(1) Kada u postupku pred sudom na jednoj strani učestvuje lice koje je oslobođeno od obaveze plaćanja takse, a na drugoj lice koje nije oslobođeno, sud je dužan voditi i popis takse koju bi trebalo platiti oslobođeno lice.

(2) Popis takse z stava (1) ovoga člana zaključuje se nakon završetka postupka. Ako se postupak završi na način predviđen članom 17. ovoga zakona, sud će postupiti u skladu s odredbama člana 31. ovoga zakona.

#### Član 19.

##### (Obračun i kontrola plaćanja takse)

(1) Iznos takse koju je takseni obveznik dužan platiti obračunava službeno lice koje preduzima radnju u postupku, rješenjem kojim se stranka obavezuje platiti taksu u roku od osam dana od dana prijema rješenja.

(2) Ako takseni obveznik ne plati taksu u roku iz stava (1) ovoga člana, službeno lice koje poduzima radnju u postupku naložit će, rješenjem, taksenom obvezniku plaćanje dužne takse, kao i 50% te takse na ime kaznene takse.

(3) Na rješenja iz stavova (1) i (2) ovoga člana dopuštena je žalba u roku od osam dana od dana prijema rješenja.

(4) Podnesena žalba ne odgađa izvršenje rješenja iz stavova (1) i (2) ovoga člana.

(5) Naplatu takse kontroliše službeno lice koje poduzima radnju u postupku.

## DIO TREĆI – UTVRĐIVANJE VRIJEDNOSTI PREDMETA SPORA RADI NAPLATE TAKSE

#### Član 20.

##### (Utvrđivanje vrijednosti predmeta spora u parničnom postupku)

(1) U parničnom postupku taksa se plaća prema vrijednosti predmeta spora.

(2) Ako ovim zakonom nije drugačije određeno, odredbe propisa o parničnom postupku, na osnovu kojih se utvrđuje vrijednost spora, primjenjuju se i prilikom određivanja vrijednosti spora radi naplate takse.

#### Član 21.

##### (Utvrđivanje vrijednosti predmeta spora kod više tuženika)

Ako tužilac jednom tužbom obuhvati dva ili više tuženika i traži usvajanje tužbenoga zahtjeva prema sljedećem tuženiku, u slučaju da bude pravosnažno odbijen prema onome koji je u tužbi naveden prije njega, ili ako prema svakom od njih ističe isti zahtjev, ili ako prema pojedinim od njih ističe različite zahtjeve koji su u međusobnoj vezi, vrijednost predmeta spora radi naplate takse određuje se prema zahtjevu čija je vrijednost najveća.

#### Član 22.

##### (Utvrđivanje vrijednosti predmeta spora u sporovima u vezi sa zakonskim izdržavanjem)

Ako je predmet spora pravo na zakonsko izdržavanje ili potraživanje pojedinih iznosa zakonskog izdržavanja, vrijednost predmeta spora radi naplate takse računa se prema zbiru davanja za tri mjeseca ako se izdržavanje ne traži za kraće vrijeme.

#### Član 23.

##### (Utvrđivanje vrijednosti predmeta spora u sporovima iz nasljednoga prava)

Ako je predmet spora nasljedno pravo na cijeloj zaostavštini, kao vrijednost predmeta spora uzima se vrijednost čiste zaostavštine, a ako je predmet spora samo jedan dio zaostavštine ili određena stvar iz zaostavštine, kao vrijednost predmeta spora uzima se čista vrijednost toga dijela, odnosno stvari.

#### Član 24.

##### (Šta se uzima kao vrijednost predmeta spora radi naplate takse)

Kao vrijednost predmeta spora radi naplate takse uzima se:

- u diobnim parnicama – vrijednost dijela imovine koja se izdvaja iz zajedničke imovine koja je predmet diobe;
- u parnicama u kojima je predmet spora izvršenje kakve radnje, ili trpljenje, ili nečinjenje, ili izjava volje, ili utvrđenje postojanja ili nepostojanja nekoga prava ili pravnoga odnosa, ili utvrđivanje istinitosti ili neistinitost kakve isprave – iznos koji je tužilac označio u tužbi, s tim da taj iznos ne može biti manji od 500,00 KM;
- u parnicama za proglašenje prestanka važnosti ugovora o arbitraži – iznos od 500,00 KM;
- u sporovima o stvarnim i ličnim služnostima i o

e) u sporovima o utvrđivanju reda prvenstva potraživanja u izvršnom postupku – iznos potraživanja, a najviše 1.000,00 KM.

#### Član 25.

##### (Najniži iznos predmeta vrijednosti spora)

Ako se vrijednost predmeta spora ne može utvrditi prema odredbama članova 20. do 25. ovoga zakona, kao vrijednost se uzima iznos od 500,00 KM.

#### Član 26.

##### (Utvrđivanje vrijednosti predmeta spora u izvršnom postupku)

(1) U izvršnom postupku plaća se taksa prema vrijednosti zahtjeva koji treba izvršiti.

(2) Pri utvrđivanju vrijednosti zahtjeva u izvršnom postupku za naplatu takse shodno se primjenjuju odredbe članova 20. do 25. ovoga zakona.

#### Član 27.

##### (Utvrđivanje vrijednosti predmeta spora u upravnim sporovima)

(1) U upravnim sporovima plaća se taksa prema vrijednosti predmeta spora ako je predmet spora procjenjiv.

(2) Vrijednost procjenjivoga spora utvrđuje se shodno odredbama članova 20. do 25. ovoga zakona.

(3) Ako predmet spora nije procjenjiv, plaća se taksa kao u tarifnom broju 23. Tarife sudskih taksa.

#### Član 28.

##### (Utvrđivanje vrijednosti predmeta spora u ostalim postupcima)

Ako je u vanparničnom postupku, u zemljišnoknjižnom postupku, u stečajnom postupku i u postupku likvidacije za plaćanje takse mjerodavna vrijednost zahtjeva, za njeno utvrđenje shodno će se primjenjivati odredbe članova 20. do 25. ovoga zakona, ako u Tarifi sudskih taksa nije drugačije određeno.

#### Član 29.

##### (Promjena vrijednosti predmeta spora u toku postupka)

(1) Prvobitno utvrđena vrijednost predmeta spora ostaje kao osnov za plaćanje takse, bez obzira na to je li se ta vrijednost promijenila u toku postupka, ako ovim zakonom nije drugačije određeno.

(2) Ako sud odredi vrijednost predmeta spora, ta vrijednost uzima se kao taksena osnovica nakon što se rješenje suda o vrijednosti spora saopći strankama.

(3) Ako se vrijednost predmeta spora iz stava (2) ovoga člana promijeni uslijed preinačenja zahtjeva ili djelomičnog rješenja zahtjeva, kao taksena osnovica uzima se promijenjena vrijednost za sve podneske i radnje poslije takve promjene. Ako se vrijednost promijenila uslijed izjave stranke podneskom, taksa se plaća prema promijenjenoj vrijednosti i za taj podnesak.

(4) Ako pravni lijek ulažu obje stranke, taksa za pravni lijek određuje se posebno za svaku stranku prema vrijednosti onog dijela odluke koji se pobija pravnim lijekom.

(5) U statusnim sporovima, u sporovima za utvrđivanje i u sporovima u kojima se tužbeni zahtjev ne odnosi na novčani iznos, za plaćanje takse za pravni lijek mjerodavna je vrijednost prema kojoj je plaćena taksa za tužbu.

(6) Za pravni lijek koji se ulaže samo protiv odluke o troškovima postupka ili odluke o sporednim potraživanjima, taksa se plaća samo prema iznosu troškova postupka ili iznosu sporednih potraživanja.

## DIO ČETVRTI – POSTUPAK ZA NAPLATU NEPLAĆENE TAKSE I REGISTAR

#### Član 30.

##### (Prinudna naplata neplaćene takse)

(1) Ako takseni obveznik ne plati taksu u roku iz stava (1) člana 19. ovoga zakona, taksa će se naplatiti u skladu sa Zakonom o izvršnom postupku.

(2) Postupak za naplatu neplaćene takse pokreće pred nadležnim sudom Kantonalno pravobranilaštvo na osnovu dostavljenog rješenja suda i obavještenja o neplaćenju taksi.

(3) Izuzetno, ako je takseni obveznik pravno lice i ako se utvrdi da je to efikasan način osiguranja naplate, sud će rješenje i obavještenje o neplaćenju taksi dostaviti banci u kojoj pravno lice ima račun, radi naplate takse.

#### Član 31.

##### (Registar)

(1) Sud uspostavlja i vodi registar obračunatih sudskih taksa (u daljnjem tekstu: registar) koje do dana uspostavljanja registra nisu plaćene, a za njihovu naplatu nije nastupila zastara.

(2) Uredbu o izgledu i sadržaju registra, kao i načinu unošenja podataka u Registar i korištenjem podacima iz registra donijet će Vlada Srednjobosanskog kantona u roku od tri mjeseca od dana stupanja na snagu ovoga zakona.

#### Član 32.

##### (Postupanje s nenaplaćenim sudskim taksama za koje nije stupila zastarjelost)

O svim nenaplaćenim sudskim taksama za koje nije nastupila zastarjelost sud je dužan obavijestiti Kantonalno pravobranilaštvo radi pokretanja postupka prinudne naplate.

## DIO PETI – POVRAT TAKSE

#### Član 33.

##### (Pravo na povrat plaćene takse)

(1) Lice koje je platilo taksu koju uopće nije bilo dužno platiti ili je platilo taksu u iznosu većem od propisanog, kao i lice koje je platilo taksu za sudsku radnju a ta radnja iz bilo kojeg razloga nije izvršena, ima pravo na povrat takse.

(2) Postupak za povrat takse pokreće se na zahtjev lica iz stava (1) ovoga člana.

#### Član 34.

##### (Rok za podnošenje zahtjeva za povrat plaćene takse)

Zahtjev za povrat takse podnosi se sudu u roku od 30 dana od dana kada je taksa plaćena, odnosno od dana saznanja da sudska radnja nije izvršena, a najkasnije u roku od godinu dana od dana kada je taksa plaćena.

## Član 35.

**(Zahtjev za povrat plaćene takse  
u slučaju medijacije)**

Ako se stranke, u toku postupka, a najkasnije do zaključenja glavne rasprave, sporazumiju da će pristupiti rješavanju spora u postupku medijacije i u postupku medijacije postignu sporazum, imaju pravo na povrat naplaćene takse u punom iznosu.

## Član 36.

**(Rješenje o usvajanju zahtjeva  
za povrat plaćene takse)**

Ako usvoji zahtjev za povrat takse, sud će primjerak rješenja dostaviti i nadležnom ministarstvu radi izvršenja povrata.

## Član 37.

**(Kada se ne plaća taksa)**

U postupku povrata takse ne plaća se taksa.

**DIO ŠESTI – NADZOR NAD PRIMJENOM OVOGA  
ZAKONA**

## Član 38.

**(Organ nadležan za provođenje nadzora)**

Nadzor nad provedbom odredbi ovoga zakona provodi Ministarstvo pravosuđa i uprave Kantona, osim dijela koji se odnosi na Tarifu sudskih taksa nad kojim nadzor provodi Ministarstvo finansija Kantona.

**DIO SEDMI – PRIJELAZNE I ZAVRŠNE ODREDBE**

## Član 39.

**(Plaćanje takse u prijelaznom periodu)**

(1) Za podneske, radnje i isprave prema kojima je nastala taksena obaveza do dana stupanja na snagu ovoga zakona, a taksa nije plaćena, taksa će se platiti u skladu s propisima i prema tarifi koji su važili do njegova stupanja na snagu.

(2) Ako je do stupanja na snagu ovoga zakona plaćena taksa za radnju koja će se izvršiti poslije njegova stupanja na snagu, neće se plaćati nova taksa prema ovom zakonu niti će se vraćati više naplaćena taksa.

(3) Ako je takseni obveznik oslobođen plaćanja takse u postupku koji do stupanja na snagu ovoga zakona nije okončan, to oslobađanje važi i poslije stupanja na snagu ovoga zakona.

## Član 40.

**(Prestanak važenja propisa)**

Danom stupanja na snagu ovoga zakona prestaje važiti Zakon o sudskim taksama ("Službene novine Srednjobosanskog kantona", broj: 2/97, 5/97, 8/98, 1/2000, 4/02 i 11/15).

## Član 41.

**(Stupanje na snagu)**

Ovaj zakon stupa na snagu osmoga dana od dana objave u "Službenim novinama Srednjobosanskog kantona".

**TARIFA SUDSKIH TAKSA****DIO PRVI – PARNIČNI I IZVRŠNI POSTUPAK**

## Tarifni broj 1.

**(Taksa za podneske)**

(1) Za tužbu, protutužbu, prijedlog za ponavljanje postupka, prijedlog za priznanje odluke stranoga suda i odluke stranog arbitražnog suda, prema vrijednosti predmeta spora, plaća se taksa kako slijedi:

|                                     |            |
|-------------------------------------|------------|
| a) do 500,00 KM                     | 20,00 KM;  |
| b) preko 500,00 do 1.500,00 KM      | 50,00 KM;  |
| c) preko 1.500,00 do 3.000,00 KM    | 80,00 KM;  |
| d) preko 3.000,00 do 10.000,00 KM   | 150,00 KM; |
| e) preko 10.000,00 do 50.000,00 KM  | 300,00 KM; |
| f) preko 50.000,00 do 100.000,00 KM | 500,00 KM; |
| g) preko 100.000,00 KM              | 1% na      |

označenu vrijednost spora, ali ne više od 8.000,00 KM.

(2) Za tužbu za utvrđivanje i osporavanje očitstva plaća se taksa u iznosu od 50,00 KM.

(3) Za tužbu kojom se traži rastava braka, poništenje braka, utvrđivanje postojanja i nepostojanja braka i utvrđivanje da je brak sklopljen plaća se taksa u iznosu od 100,00 KM, a za prijedlog za sporazumnu rastavu braka taksa u iznosu od 50,00 KM.

(4) Za tužbu zbog smetanja posjeda plaća se taksa u iznosu od 50,00 KM.

(5) Za tužbu radi iseljenja plaća se taksa u iznosu od 100,00 KM.

(6) Za tužbu zbog otkaza ugovora o zajmu ili zakupu stvari, za tužbu o otkazu ugovora o zakupu poslovnih prostorija plaća se taksa u iznosu od 100,00 KM.

(7) Za prijedlog za dopuštenje izvršenja ili osiguranja ili izdavanja privremene mjere, za prijedlog za povrat u prijašnje stanje, za prijedlog za osiguranje dokaza prije pokretanja parnice, za prijedlog za određivanje sudske mjere osiguranja, za odgovor na tužbu ili reviziju plaća se polovina takse propisane ovim tarifnim brojem.

(8) Izuzetno od stava (7) ovoga tarifnoga broja, za prijedlog za dopuštenje izvršenja na osnovu vjerodostojne isprave (izvod iz poslovnih knjiga) plaća se taksa u iznosu od 10,00 KM.

(9) Za prijedlog kojim se daje otkaz ugovora o zakupu poslovnih prostorija plaća se taksa u iznosu od 100,00 KM.

(10) Za prijedlog za priznanje odluke inozemnog suda u statusnim stvarima plaća se taksa u iznosu od 100,00 KM, a za žalbu na doneseno rješenje plaća se taksa u iznosu od 150,00 KM.

(11) Za žalbu na presudu ili za reviziju presude i za žalbu na rješenje u sporovima zbog smetanja posjeda plaća se dvostruka taksa propisana stavom (1) ovoga tarifnoga broja.

(12) Za žalbu na rješenje kojim je odbijen prijedlog za povrat u prijašnje stanje plaća se polovina takse prema vrijednosti predmeta spora iz stava (1) ovoga tarifnoga broja, ali ne više od 200,00 KM.

(13) Za žalbu na ostala rješenja ili za reviziju ostalih rješenja plaća se taksa propisana u stavu (1) ovoga tarifnoga broja.

(14) Za podnesak primljen na zapisnik u sudu, kao i za podnesak primljen na zapisnik u toku rasprave plaća se taksa za odnosni podnesak propisana ovim tarifnim brojem.

(15) Ako je u tužbi stavljen prijedlog za određivanje sudske mjere osiguranja ili ako se u žalbi stavi prijedlog za povrat u prijašnje stanje, plaća se, osim takse na tužbu, odnosno žalbu, i taksa na prijedlog propisana stavom (7) ovoga tarifnoga broja.

(16) Za prijedlog za dopuštenje izvršenja ili osiguranja ili za određivanje sudske mjere osiguranja plaća se jedna taksa i ako se predloži istovremeno ili naknadno više sredstava izvršenja, odnosno osiguranja.

**Tarifni broj 2.**  
**(Taksa za odluke)**

(1) Za presudu prvostepenog suda i rješenje o priznavanju odluke stranoga suda ili odluke stranoga arbitražnog suda plaća se taksa prema taksenoj osnovici propisanoj tarifnim brojem 1. ove tarife.

(2) Za presudu zbog propuštanja, presudu zbog odricanja i za presudu na osnovu priznanja donesenu najkasnije na pripremnom ročištu, odnosno na ročištu za glavnu raspravu ako pripremno ročište nije održano plaća se polovina takse propisane tarifnim brojem 1. ove tarife.

(3) Za rješenje o odbacivanju tužbe koje se, shodno Zakonu o parničnom postupku, donosi prije ili u toku prvostepenoga postupka plaća se polovina takse propisane tarifnim brojem 1. ove tarife, a ne više od 100,00 KM.

(4) Za rješenje o prijedlogu za dopuštenje izvršenja ili osiguranja, kao i za rješenje o određivanju sudske mjere osiguranja, odnosno naredbe plaća se polovina takse propisane tarifnim brojem 1. ove tarife.

(5) Taksa za konačnu odluku plaća se prema vrijednosti ostatka spornoga predmeta koji nije obuhvaćen dopunskom presudom.

(6) Za presudu prvostepenog suda koja je donesena u vezi s protutužbom plaća se taksa kao da je o protutužbi posebno raspravljano.

(7) Ako je više parnica spojeno radi zajedničkog raspravljanja, taksa za presudu plaća se posebno za svaku parnicu, kao da ne postoji spajanje više parnica.

(8) Za dopunsku presudu ili rješenje neće se plaćati taksa ako je za odluku koja je dopunjena plaćena taksa prema punoj vrijednosti spora. Također se neće plaćati taksa za donošenje odluke kojom se naknadno ispravlja ranije donesena odluka.

(9) Za rješenje o izvršenju ili osiguranju plaća se jedna taksa, bez obzira na to je li odlučeno o više sredstava izvršenja, odnosno osiguranja i bez obzira na to je li odlučeno istovremeno ili naknadno.

**Tarifni broj 3.**  
**(Taksa za sudsku nagodbu)**

Za sudsku nagodbu u toku prvostepenog postupka plaća se, prema vrijednosti na koju su se stranke poravnale, polovina takse propisane tarifnim brojem 1. ove tarife.

**DIO DRUGI – VANPARNIČNI POSTUPAK**

**Tarifni broj 4.**  
**(Opće odredbe)**

(1) Za prijedlog kojim se pokreće postupak u vanparničnoj stvari, izuzev kada se radi o postupcima koji su predviđeni u tarifnim brojevima 8. do 12. ove tarife plaća se taksa u iznosu od 60,00 KM.

(2) Za prijedlog i odluku za proglašenje umrlih lica nestalog u ratu i dokazivanje smrti lica u ratu ne plaća se taksa.

(3) Taksa na nalog za iseljenje iz poslovnih prostorija uračunava se u taksu na odluku suda koja bude donijeta povodom prigovora protiv naloga. Ako je taksa na nalog veća od takse koja je plaćena na odluku povodom prijedloga za izdavanje naloga za iseljenje iz poslovnih prostorija, u tom slučaju će se naplatiti razlika.

**Tarifni broj 5.**

**(Taksa za odluku u vanparničnom postupku)**

(1) Za odluku suda u vanparničnom postupku plaća se taksa u iznosu od 50,00 KM.

(2) U svim vanparničnim postupcima shodno će se primjenjivati odredbe stava (8) tarifnoga broja 2. ove tarife.

**Tarifni broj 6.**

**(Taksa za sudsku nagodbu u vanparničnom postupku)**

Za sudsku nagodbu u svim vanparničnim postupcima plaća se taksa u iznosu od 50,00 KM.

**Tarifni broj 7.**

**(Taksa za žalbu u vanparničnom postupku)**

Za žalbu protiv odluke prvostepenog suda u vanparničnom postupku plaća se taksa u iznosu od 100,00 KM.

**Tarifni broj 8.**

**(Taksa za raspravljanje zaostavštine)**

(1) Za raspravljanje zaostavštine, plaća se taksa prema vrijednosti čiste zaostavštine, i to:

|  |             |
|--|-------------|
| a) do 5.000,00 KM  | 50,00 KM;   |
| b) preko 5.000,00 KM do 20.000,00 KM                           | 100,00 KM;  |
| c) preko 20.000,00 KM do 50.000,00 KM                          | 150,00 KM;  |
| d) preko 50.000,00 KM do 100.000,00 KM                         | 200,00 KM;  |
| e) preko 100.000,00 do 200.000,00 KM                           | 300,00 KM;  |
| f) preko 200.000,00 do 500.000,00 KM                           | 500,00 KM;  |
| g) preko 500.000,00 KM   | 500,00 KM + |
| 1% na razliku iznad 500.000,00 KM, ali ne više od 3.000,00 KM. |             |

(2) Taksa se plaća samo ako je postupak za raspravljanje zaostavštine završen donošenjem rješenja o nasljeđivanju. Taksa na rješenje o naknadno pronađenoj imovini plaća se prema vrijednosti naknadno pronađene imovine, a u skladu sa stavom (1) ovoga tarifnoga broja.

(3) Taksu plaćaju nasljednici srazmjerno nasljednim dijelovima.

(4) Prilikom utvrđivanja čiste vrijednosti zaostavštine odbit će se ostaviočevi dugovi, troškovi sahrane ostavioaca, legati i drugi tereti, troškovi popisivanja i procjene zaostavštine te ostali troškovi.

(5) Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o nasljeđivanju.

(6) Za zabilježbu prvenstvenog reda i uknjižbu ustupanja prvenstva, kao i za ostale zabilježbe u vezi sa zaostavštinom plaća se taksa propisana tarifnim brojem 14. ove tarife.

## Tarifni broj 9.

**(Taksa za sastavljanje i čuvanje testamenta)**

Taksa u iznosu od 50,00 KM plaća se:

- a) za prijedlog za sastavljanje sudskog testamenta;
- b) za sastavljanje sudskog testamenta;
- c) za prijedlog kojim se traži čuvanje testamenta u sudu;
- d) za opoziv testamenta sastavljenog pred sudom;
- e) za prijedlog za vraćanje testamenta koji se nalazi na čuvanju u sudu;
- f) za vraćanje testamenta koji se zamjenjuje.

## Tarifni broj 10.

**(Taksa za prijedlog i odluku****u postupku diobe zajedničke imovine)**

Za prijedlog i odluku o provođenju diobe zajedničke imovine plaća se taksa prema vrijednosti imovine, i to:

- a) do 5.000,00 KM 50,00 KM;
  - b) preko 5.000,00 KM do 20.000,00 KM 80,00 KM;
  - c) preko 20.000,00 KM do 50.000,00 KM 130,00 KM;
  - d) preko 50.000,00 KM do 100.000,00 KM 150,00 KM;
  - e) preko 100.000,00 do 200.000,00 KM 200,00 KM;
  - f) preko 200.000,00 do 500.000,00 KM 300,00 KM;
  - g) preko 500.000,00 KM vrijednosti 500,00 KM
- + 1% na razliku iznad 500.000,00 KM, ali ne više od 3.000,00 KM.

## Tarifni broj 11.

**(Taksa za prijedlog za uređenje međe)**

Za prijedlog za uređenje međe plaća se taksa u iznosu od 100,00 KM.

## Tarifni broj 12.

**(Taksa za ovjeru potpisa, rukopisa, prijepisa i prijevoda)**

(1) Za podnesak kojim se traži ovjera potpisa, rukopisa, prijepisa i prijevoda plaća se taksa u iznosu od 10,00 KM.

(2) Za ovjeru prijepisa, za prvi polutabak plaća se taksa u iznosu od 10,00 KM, a za svaki sljedeći polutabak u iznosu od 5,00 KM.

(3) Za ovjeru rukopisa, za prvi polutabak plaća se taksa u iznosu od 10,00 KM, a za svaki sljedeći novi polutabak u iznosu od 5,00 KM.

(4) Za ovjeru potpisa sudskog tumača na prijevodu plaća se taksa u iznosu od 10,00 KM.

(5) Za ovjeru potpisa na punomoći plaća se taksa u iznosu od 10,00 KM.

(6) Potpis na ispravi koju izdaje državni organ, potpisi lica ovlaštenih za potpisivanje firme ili pravnoga lica smatraju se kao jedan potpis ako su propisima ili pravilima za potpisivanje ovlaštena dva ili više lica.

(7) Za podnesak kojim se traži ovjera potpisa (rukoznaka) na ispravi plaća se jedna taksa, bez obzira na to koliko se potpisa (rukoznaka) na ispravi ovjerava.

(8) Za ovjeru potpisa (rukoznaka) i pečata plaća se jedna taksa.

(9) Ako se jednim podneskom traži ovjera potpisa (rukoznaka) na više isprava plaća se taksa na podnesak.

(10) Polutabakom se smatra dvije strane lista papira, formata A4. Započeti polutabak računa se kao cijeli.

(11) Za ovjeru potpisa na punomoći, odnosno na ugovoru plaća se jedna taksa, bez obzira ovjerava li se jedan potpis ili više potpisa.

**DIO TREĆI – ZEMLJIŠNOKNJIŽNI POSTUPAK**

## Tarifni broj 13.

**(Taksa za podneske)**

Za podnesak kojim se traži upis prava vlasništva, upis ili brisanje uknjižbe, zabilježbe ili predbilježbe na nekretninama, opravdanje predbilježbe plaća se taksa u iznosu od 30,00 KM, dok se za podnesak kojim se traži uspostava novog zemljišnoknjižnog uložka plaća taksa u iznosu od 100,00 KM.

## Tarifni broj 14.

**(Taksa za upis podataka)**

(1) Sudsku taksu snosi lice u čiju korist se obavlja uknjižba, osim ako ugovorne strane ne utvrde drugačije.

(2) Za uknjižbu u zemljišnu knjigu plaća se:

- a) uknjižba vlasništva, u iznosu od 50,00 KM;
- b) uknjižba hipoteke, zemljišnoga duga ili doživotnog prava uživanja, trajnoga prava korištenja, stvarnih služnosti i tereta, pravo dugoročnog najma i zakupa, prava preče kupovine i realnih tereta, koncesije, prava građenja, u iznosu od 50,00 KM;

c) predbilježba u iznosu od 50,00 KM i opravdanje predbilježbe u iznosu od 30,00 KM;

d) upis koji se obavlja u toku parničnog, vanparničnog ili izvršnoga postupka, u iznosu od 50,00 KM,

e) uspostava posebnog zemljišnoknjižnog uložka na osnovu elaborata o etažiranju, u iznosu od 10,00 KM;

f) uspostava etažnog vlasništva na osnovu izjave o diobi i ugovora o diobi, o uspostavi etažnog vlasništva, za svaki uspostavljeni etažni uložak, u iznosu od 10,00 KM;

g) amortizacija založnoga prava, u iznosu od 100,00 KM.

## Tarifni broj 15.

**(Takse za prijepise i izvode)**

(1) Za prijepise i izvode plaća se taksa:

a) za izdavanje ovjerenoga prijepisa ili službenog izvoda, u iznosu od 10,00 KM;

b) za izdavanje uvjerenja i potvrde, u iznosu od 5,00 KM;

c) za izdavanje izvoda s historijatom, u iznosu od 5,00 KM po stranici;

d) za kopiranje isprava iz zbirke isprava, u iznosu od 5,00 KM, a ovjera isprava iz zbirke isprava, u iznosu od 10,00 KM;

(2) Za dopune i potvrde prijepisa i izvoda plaća se ista taksa kao i za njihovo izdavanje.

## Tarifni broj 16.

**(Taksa za žalbu ili prigovor)**

Za žalbu ili prigovor na rješenje u zemljišnoknjižnom postupku plaća se taksa u iznosu od 50,00 KM.



**DIO ČETVRTI – TAKSE U POSTUPKU STEČAJA I LIKVIDACIJE****Tarifni broj 17.****(Takse za podneske)**

(1) Za prijedlog za otvaranje postupka stečaja ili likvidacije plaća se taksa u iznosu od 100,00 KM.

(2) Za prijavu povjerioca u postupku stečaja ili likvidacije plaća se taksa u iznosu 1% od vrijednosti potraživanja, s tim da ne može biti manja od 50,00 KM niti veća od 10.000,00 KM.

(3) Na žalbu protiv odluke u stečajnom ili likvidacijskom postupku povjerioca koji ulaže žalbu plaća se taksa u iznosu 1% od vrijednosti potraživanja, s tim da ne može biti manja od 100,00 KM, niti veća od 10.000,00 KM.

(4) Kao osnov za plaćanje takse na prijavu povjerioca uzima se iznos potraživanja koji povjerilac prijavljuje. Pri tome će se uzimati da uvjetovana tražbina nije uvjetovana. Ako jedan povjerilac prijavi više potraživanja, taksa se plaća na ukupni iznos tih potraživanja.

**Tarifni broj 18.****(Taksa u stečajnom postupku)**

(1) U stečajnom postupku, od zbira iznosa koji su upotrijebljeni ili stoje na raspolaganju za podmirenje dugova stečajne mase plaća se taksa u iznosu od 100,00 KM do 1.000,00 KM, u zavisnosti od složenosti postupka.

(2) Taksu u stečajnom postupku određuje sud nakon okončanja postupka, a dužan ju je platiti stečajni upravnik iz stečajne mase nakon pravosnažnosti rješenja o glavnoj ili naknadnoj diobi.

**DIO PETI – PREKRŠAJNI POSTUPAK****Tarifni broj 19.****(Takse u prekršajnom postupku)**

(1) Na zahtjev o sudskom odlučivanju prema prekršajnom nalogu, plaća se taksa u iznosu od 10,00 KM.

(2) Na prijedlog za povrat u pređašnje stanje plaća se taksa u iznosu od 10,00 KM.

(3) Na žalbu na rješenje plaća se taksa u iznosu od 10,00 KM.

**DIO ŠESTI – UPIS U SUDSKI REGISTAR****Tarifni broj 20.****(Taksa za podneske)**

(1) Za prijavu u sudski registar plaća se taksa u iznosu od 50,00 KM.

(2) Ako se jednom prijavom traži više upisa za isto pravno lice, plaća se samo jedna taksa iz ovog tarifnog broja.

**Tarifni broj 21.****(Taksa za upise u sudski registar)**

(1) Za rješenje o upisu osnivanja privrednoga društva plaća se taksa u iznosu od 200,00 KM.

(2) Za rješenje o upisu osnivanja dijelova privrednoga društva plaća se taksa u iznosu od 100,00 KM.

(3) Za rješenje o upisu osnivanja drugih pravnih lica koja nisu navedena u stavovima (1) i (2) ovoga tarifnoga broja plaća se taksa u iznosu od 200,00 KM.

(4) Za rješenje o upisu lica ovlaštenog za zastupanje pravnoga lica plaća se taksa u iznosu od 100,00 KM.

(5) Za rješenje o upisu prava obavljanja vanjskotrgovinskoga prometa plaća se taksa u iznosu od 200,00 KM, osim iznosa iz stava (1) ovog tarifnog broja.

(6) Za rješenje o upisima koji nisu obuhvaćeni stavovima (1) do (5) ovoga tarifnoga broja plaća se taksa u iznosu od 150,00 KM, po jednom upisu.

(7) Za zahtjev za brisanje upisa iz sudskog registra plaća se taksa u iznosu od 50,00 KM.

(8) Za rješenje po zahtjevu za brisanje upisa plaća se taksa u iznosu od 50,00 KM.

(9) Kada se više privrednih društava spajaju u jedno, osim takse za podnesak plaća se i taksa iz stava (6) ovoga tarifnoga broja, kao i taksa za upis novoosnovanoga privrednoga društva.

(10) Ako se jednim podneskom traži više upisa, plaća se taksa za svaki upis posebno.

(11) Za žalbu na rješenje doneseno u postupku upisa u sudski registar plaća se taksa u iznosu od 100,00 KM.

**Tarifni broj 22.****(Taksa za objavljivanje upisnih podataka)**

(1) Za dostavljanje upisnih podataka radi objavljivanja u "Službenim novinama Srednjobosanskog kantona" plaća se taksa u iznosu od 10,00 KM.

(2) Za objavljivanje podataka čije je upisivanje traženo jednim podneskom plaća se samo jedna taksa iz ovoga tarifnoga broja.

**DIO SEDMI – UPRAVNI SPOR I POSTUPAK ZA SUDSKU ZAŠTITU****Tarifni broj 23.****(Taksa za tužbu u upravnom sporu)**

(1) Za tužbu protiv upravnog akta plaća se taksa u iznosu od 100,00 KM.

(2) Za odbijenu ili odbačenu tužbu u sporovima iz zdravstvenog, penzijskog i invalidskog osiguranja, dječijega dodatka, starateljstva, usvojenja i socijalne pomoći plaća se taksa u iznosu od 20,00 KM.

(3) Za tužbu za ponavljanje postupka plaća se taksa u iznosu od 100,00 KM.

(4) Za zahtjev za vanredno preispitivanje sudske odluke u upravnom sporu, plaća se taksa u dvostrukom iznosu od takse iz stavova (1) i (2) ovoga tarifnoga broja.

(5) Ako je uz tužbu protiv upravnog akta stavljen i zahtjev za odgađanje izvršenja upravnog akta, plaća se taksa u iznosu od 150,00 KM.

**Tarifni broj 24.****(Taksa za odluke)**

Za presudu u postupku u upravnom sporu plaća se taksa:

a) ako je predmet spora procjenjiv – 1% od vrijednosti spornoga predmeta, s tim da ne može biti manja od 100,00 KM ni veća od 5.000,00 KM;

b) ako je predmet spora neprocjenjiv, u iznosu od 100,00 KM;

c) ako je predmet spora djelomično procjenjiv, taksa se plaća kao da je predmet procjenjiv;

d) ako se radi o sporovima iz zdravstvenog, penzijskog i invalidskog osiguranja, starateljstva, dječijega dodatka, usvajanja i socijalne pomoći, taksa iznosi 20,00 KM.

**DIO OSMI – POSEBNI SLUČAJEVI****Tarifni broj 25.****(Taksa za sudska uvjerenja i potvrde)**

- (1) Za podnesak kojim se traži izdavanje uvjerenja plaća se taksa u iznosu od 5,00 KM.
- (2) Za izdato uvjerenje plaća se taksa u iznosu od 10,00 KM.
- (3) Za potvrdu o pravosnažnosti ili izvršnosti koja se stavlja na sudski otpravak plaća se taksa u iznosu od 5,00 KM.
- (4) Ako se jednim uvjerenjem potvrđuje više činjenica, plaća se jedna taksa.
- (5) Plaćanju takse iz stava (1) ovoga tarifnoga broja podliježu i elektronski podnesci, kao i svaki naknadni podnesak kojim se dopunjava ili mijenja prvobitni podnesak.

**Tarifni broj 26.****(Taksa za punomoć)**

- (1) Za izdavanje usmene punomoći pred sudom, za usmeno opozivanje ili otkaz punomoći pred sudom plaća se taksa u iznosu od 10,00 KM.
- (2) Za sudsku obavijest o opozivu ili otkazu punomoći plaća se taksa u iznosu od 5,00 KM.
- (3) Ako više lica ovlaštenih za potpisivanje pravnoga lica izdaju punomoć jednom zastupniku plaća se taksa za jednu punomoć.
- (4) Za izdavanje usmene punomoći prema stavu (1) ovoga tarifnoga broja plaća se jedna taksa i ako više lica istovremeno izdaju punomoć jednom licu ili većem broju lica.

**Tarifni broj 27.****(Taksa za razmatranje spisa)**

Za pisani podnesak za razmatranje završenih sudskih spisa, plaća se taksa u iznosu od 5,00 KM.

**Tarifni broj 28.****(Takse za prijepise)**

- (1) Za pisani ili usmeni zahtjev da se izvrši prepisivanje sudskog akta plaća se taksa u iznosu od 5,00 KM.
- (2) Za prepisivanje sudskih akata, kao i za prepisivanje akata iz zbirke isprava koje je sud izvršio na zahtjev stranke, od svake započete stranice originala plaća se taksa u iznosu od po 5,00 KM.
- (3) Za izdavanje prijepisa raspravnoga zapisnika plaća se polovina takse iz stava (1) ovoga tarifnoga broja.
- (4) Za izdavanje transkripta audiozapisa plaća se taksa u iznosu od 2,00 KM po stranici. Cijelom stranicom smatra se svaka započeta stranica teksta standardnoga formata.
- (5) Za izdavanje audiozapisa na CD-u plaća se taksa u iznosu od 5,00 KM.
- (6) Ako se istovremeno sudski prijepis ovjerava, plaća se posebna taksa za ovjeravanje, u iznosu od 5,00 KM.
- (7) Za prijepis raspravnoga zapisnika koji je izrađen istovremeno sa sastavljanjem originala plaća se polovina takse iz stava (1) ovoga tarifnoga broja.

(8) Prijepisom se ne smatraju: fotokopija ili kopija koje je preslikani original ili matrica, uključujući uvećanje, umanjeње, mehaničkim ili elektronskim presnimavanjem hemijskom reprodukcijom ili nekom drugom ekvivalentnom tehnikom kojom se precizno reprodukuje original.

(9) Za fotokopiju ili kopiju plaća se taksa u iznosu od 0,50 KM po svakoj stranici.

**Tarifni broj 29.****(Taksa za izvode****iz sudskog registra pravnih lica)**

- (1) Za izvode iz sudskog registra pravnih lica, ako se izdaju na zahtjev stranke, plaća se taksa u iznosu od 10,00 KM po stranici.
- (2) Ako je izvod sastavila sama stranka i podnijela ga sudu na potvrdu, plaća se polovina takse iz ovoga tarifnoga broja.

**Tarifni broj 30.****(Taksa za sudski depozit)**

- (1) Za čuvanje (depozit) novca, stvari i papira od vrijednosti na zahtjev stranke plaća se godišnje 1% vrijednosti, s tim da iznos takse ne može biti manji od 100,00 KM.
- (2) Taksa se plaća za svaku godinu unaprijed, a započeta godina računa se kao cijela.
- (3) Ako se vrijednost stvari ne može procijeniti po njihovoj prirodi, procjenu će obaviti vještak o trošku depozenta.

**Tarifni broj 31.****(Taksa za protest isprava)**

- (1) Za molbu za protest mjenice, čeka i drugih isprava ili ugovora zbog neakceptiranja, neisplate ili neispunjenja plaća se taksa u iznosu od 5,00 KM.
- (2) Za protest isprave plaća se taksa prema vrijednosti, i to:
  - a) do 50,00 KM, u iznosu od 5,00 KM;
  - b) preko 50,00 KM do 500,00 KM, u iznosu od 25,00 KM;
  - c) preko 500,00 KM, u iznosu od 50,00 KM;
- (3) Ako se jednom molbom traži više protesta, odnosno zamjena protesta plaća se jedna taksa za molbu, ali se u tom slučaju plaća posebna taksa za svaki protest, odnosno zamjenu protesta.

**Tarifni broj 32.****(Taksa za ostale upise)**

Za podnesak koji stranka usmeno daje na zapisnik pred sudom plaća se taksa predviđena u ovoj tarifi za odnosni podnesak.

**Tarifni broj 33.****(Taksa za postupke pred arbitražom)**

- (1) Za prijedlog stranke da sud postavi arbitra ili predsjednika arbitraže plaća se taksa u iznosu od 10,00 KM.
- (2) Za prijedlog o izuzeću arbitra plaća se taksa u iznosu od 25,00 KM.
- (3) Za sastavljanje potvrde o pravosnažnosti i izvršnosti presude arbitraže plaća se taksa u iznosu od 10,00 KM.

Tarifni broj 34.

**(Taksa za zahtjev za izuzeće)**

Za zahtjev za izuzeće plaća se taksa u iznosu od 10,00 KM.

Tarifni broj 35.

**(Taksa za jedinstveni pristupni kod)**

Za zahtjev za izdavanje jedinstvenoga pristupnoga koda – JPK-a plaća se taksa u iznosu od 5,00 KM.

Broj: 01-02- 46/17 PREDSJEDAVAJUĆI SKUPŠTINE  
1. februara 2017.

Travnik

Josip Kvasina, s. r.

139

Na osnovu člana 41. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), a u vezi s članom 49. Zakona o poljoprivrednom zemljištu ("Službene novine Federacije Bosne i Hercegovine", broj 52/09), Skupština Srednjobosanskog kantona, na XX. sjednici održanoj 31. januara 2017. godine, donosi

**ODLUKU  
O DAVANJU SAGLASNOSTI  
NA PRIJEDLOG PROSTORNOGA PLANA  
OPĆINE DONJI VAKUF  
2014. – 2034. GODINE**

I.

Skupština Srednjobosanskog kantona daje saglasnost na Prijedlog prostornoga plana Općine Donji Vakuf 2014. – 2034. godine.

II.

Ova odluka stupa na snagu danom donošenja i objavit će se u "Službenim novinama Srednjobosanskog kantona" a dostavit će se Općini Donji Vakuf.

Broj: 01-02- 48/17 PREDSJEDAVAJUĆI SKUPŠTINE  
1. februara 2017.

Travnik

Josip Kvasina, s. r.

140

Na osnovu člana 41. Ustava Srednjobosanskog kantona ("Službene novine Srednjobosanskog kantona", broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), a u vezi s članom 49. Zakona o poljoprivrednom zemljištu ("Službene novine Federacije Bosne i Hercegovine", broj 52/09), Skupština Srednjobosanskog kantona, na XX. sjednici održanoj 31. januara 2017. godine, donosi

**ODLUKU  
O DAVANJU SAGLASNOSTI  
NA PRIJEDLOG PROSTORNOGA  
PLANA OPĆINE FOJNICA  
2011. – 2031. GODINE**

I.

Skupština Srednjobosanskog kantona daje saglasnost na Prijedlog prostornoga plana Općine Fojnica 2011. – 2031. godine.

II.

Ova odluka stupa na snagu danom donošenja i objavit će se u "Službenim novinama Srednjobosanskog kantona" a dostavit će se Općini Fojnica.

Broj: 01-02- 49/17 PREDSJEDAVAJUĆI SKUPŠTINE  
1. februara 2017.

Travnik

Josip Kvasina, s. r.

141

Na osnovu člana 109. Poslovnika Skupštine Srednjobosanskog kantona ("Službene novine Srednjobosanskog kantona", broj: 3/04 i 6/13) te na prijedlog Vlade Srednjobosanskog kantona, Skupština Srednjobosanskog kantona, na XX. sjednici održanoj 31. januara 2017. godine, donosi:

**ODLUKU  
O DAVANJU SAGLASNOSTI  
ZA NABAVKU MEDICINSKE OPREME  
TE NA IZDAVANJE GARANCIJE  
ZA UREDNO IZVRŠENJE UGOVORA**

Član 1.

Ovom odlukom daje se saglasnost Vladi Srednjobosanskog kantona da, preko resornih ministarstava, nabavi medicinsku opremu za potrebe kvalitetnije zdravstvene usluge u Srednjobosanskom kantonu, u ukupnom iznosu od 1.200.000,00 KM.

Član 2.

Predmet nabavke:

- višeslojni spiralni sistem za kompjuterizovanu tomografiju (CT aparat), 1 komad, u ukupnoj vrijednosti do 500.000,00 KM, plaćanje u 12 mjesečnih rata;
- radiološki RTG sistem, 1 komad, u ukupnoj vrijednosti do 250.000,00 KM, plaćanje u 12 mjesečnih rata;
- postrojenje za zbrinjavanje infektivnog otpada, 2 komada, u ukupnoj vrijednosti do 450.000,00 KM, plaćanje u 36 mjesečnih rata.

Član 3.

Srednjobosanski kanton, kao davalac garancije, bezuvjetno garantuje pravovremeno plaćanje svih dospjelih obaveza prema ugovorima o isporuci medicinske opreme iz člana 2. ove odluke.